

東
華
續
錄

東華續錄目錄

嘉慶一

起嘉慶元年正月盡六月

嘉慶二

起嘉慶元年七月盡十二月

嘉慶三

起嘉慶二年正月盡六月

嘉慶四

起嘉慶二年七月盡十二月

嘉慶五

起嘉慶三年正月盡六月

嘉慶六

起嘉慶三年七月盡十二月

嘉慶七

起嘉慶四年正月盡六月

嘉慶八

起嘉慶四年七月盡十二月

嘉慶九

起嘉慶五年正月盡六月

嘉慶十

起嘉慶五年七月盡十二月

嘉慶十一

起嘉慶六年正月盡六月

嘉慶十二

起嘉慶六年七月盡十二月

嘉慶十三

起嘉慶七年正月盡六月

嘉慶十四

起嘉慶七年七月盡十二月

嘉慶十五

起嘉慶八年正月盡六月

嘉慶十六

起嘉慶八年七月盡十二月

嘉慶十七

起嘉慶九年正月盡六月

嘉慶十八

起嘉慶九年七月盡十二月

嘉慶十九

起嘉慶十年正月盡六月

嘉慶二十

起嘉慶十年七月盡十二月

嘉慶二十一

起嘉慶十一年正月盡六月

嘉慶二十二

起嘉慶十一年七月盡十二月

嘉慶二十三

起嘉慶十二年正月盡六月

嘉慶二十四

起嘉慶十二年七月盡十二月

嘉慶二十五

起嘉慶十三年正月盡六月

嘉慶二十六

起嘉慶十三年七月盡十二月

嘉慶二十七

起嘉慶十四年正月盡六月

嘉慶二十八

起嘉慶十四年七月盡十二月

嘉慶二十九

起嘉慶十五年正月盡六月

嘉慶三十

起嘉慶十五年七月盡十二月

嘉慶三十一

起嘉慶十六年正月盡六月

嘉慶三十二

起嘉慶十六年七月盡十二月

嘉慶三十三

起嘉慶十七年正月盡六月

嘉慶三十四

起嘉慶十七年七月盡十二月

嘉慶三十五

起嘉慶十八年正月盡六月

嘉慶三十六

起嘉慶十八年七月盡十二月

嘉慶三十七

起嘉慶十九年正月盡六月

嘉慶三十八

起嘉慶十九年七月盡十二月

嘉慶三十九

起嘉慶二十年正月盡六月

嘉慶四十

起嘉慶二十年七月盡十二月

嘉慶四十一

起嘉慶二十一年正月盡六月

嘉慶四十二

嘉慶二十一年七月盡十二月

嘉慶四十三

起嘉慶二十二年正月盡六月

嘉慶四十四

起嘉慶二十二年七月盡十二月

嘉慶四十五

起嘉慶二十三年正月盡六月

嘉慶四十六

起嘉慶二十三年七月盡十二月

嘉慶四十七

起嘉慶二十四年正月盡六月

嘉慶四十八

起嘉慶二十四年七月盡十二月

嘉慶四十九

起嘉慶二十五年正月盡六月

嘉慶五十

起嘉慶二十五年七月盡是月己卯

東華續錄

嘉慶一

臣王先謙敬獨

臣周倫蕃恭校

仁宗睿皇帝 高宗第十五子也 母孝儀純皇后魏佳氏原任

內管領加封承恩公清泰之女以乾隆二十五年庚辰十月初六

日丑時誕 上於 御園之天地一家春 上隆準豐頤舉止凝

重神明內蘊睿慮淵通自六齡就傳受誓於兵部侍郎奉寬年十

三通五經學今體詩於工部侍郎謝墉學古文古體詩於侍講學

士朱珪天藻睿發英詞炳蔚援筆立就動成典則性尤純孝七齡

時謁 孝聖憲皇后於盤山行殿渥承 飴愛事 高宗純皇帝

孝儀純皇后婉愉孺慕曲愜 歡心三十八年癸巳十四歲上

元前夕宴親藩 特命奉觴上壽是年 高宗遵密建 家法

親書 上名緘固藏 乾清宮正大光明扁上長至 南郊大祀
復以 上名默告祈加 眷佑是日復 命祀 東陵隱然以神
器攸歸面稽 天 祖三十九年甲午 賜成大婚禮是爲 孝
淑睿皇后 上定省之暇懋學稽古日居書室惟究心治法源流
古今得失參稽考證寒暑周閒所居書室五楹嘗取三餘之義顏
以味餘摘藻抒文卷軸日富後所刊詩文全集四十卷是也尤喜
讀諸史通鑑上下三千年治蹟瞭然貫徹 御極後幾餘遣興依
史分題製詠遂成全帙自乙酉六齡時隨 駕至木蘭 高宗巡
視江浙祇謁闕里及歲行秋獮恆侍 行帷廡 天章數蒙 獎
賚四十八年癸卯 高宗詣盛京恭謁 祖陵命 上隨侍行禮
復以宗祏有託敬告 太祖 太宗之前仰祈 靈爽式憑永垂
昭鑒五十年乙巳耕藉 作命從耕播種五十四年己酉封嘉親

王自是每歲 兩陵春祀 壇 廟薦祈多 命恭代行禮紫微

東偏曰毓慶宮 上養正時所居也分邸後移居顯芳殿至建儲

未宣諭之前又重葺是宮復 命居之並賜繼德堂額與從前避

暑山莊松鶴齋後 賜額同名蓋密邇趨庭祇承 堂構早寓付

託深心乙卯 高宗臨御六十年 聖壽八十有五因踐阼之初

會以周甲歸政告 天又自密建以來二十二年灼見 上仁孝

端醇克肩重器爰命禮官諏吉於是年頒朔前九月初三日 御

勤政殿集王公百官啓密緘 冊 上爲 皇太子祇告 天

地 宗廟 社稷於明年丙辰元旦 御太和殿 親授寶璽傳

位於 上 詔以是年爲嘉慶元年敬惟自古帝王以聖人相禪

者惟堯舜禹而伊耆鳩奴與繼體殊惟 高宗創舉盛儀初元

授 受 兩聖同堂三年如一日至四載以後無不恪遵 彝訓

時懷 前猷實爲前古所未有允宜迓 天庥裕後昆貽萬世無疆之業焉○嘉慶元年丙辰春正月戊申朔舉行 授 受大典

上侍 太上皇帝詣 奉先殿 堂子行禮○遣官祭 太廟

後殿○ 太上皇帝御太和殿親授 上寶 上跪受寶 太上

皇帝受賀畢還宮 上卽位受賀奉 太上皇帝傳位詔書頒行

天下覃恩有差○是日 上侍 太上皇帝詣 壽皇殿行禮

御乾清宮賜 皇子親藩等宴○庚戌諭軍機大臣等福康安和

琳奏攻克擒頭坡騾馬碕等處險要賊寨肅殲苗匪覽奏欣悅擒

頭坡山路險窄賊匪木城石卡愈多福康安和琳密爲布置出其

不意奪險而入並令額勒登保分兵前往遏其歸路大加殲戮將

騾馬碕各大山梁全行奪據擒頭坡騾馬碕爲平隴乾州門戶門

戶旣破官兵乘勝長驅直抵平隴福康安和琳遠在軍營懋著勞

積嘉獎之餘深爲眷念至兵丁等打仗出力均屬可嘉捷音一至當普加優賚同霑愷澤也○辛亥 上御太和殿奉 太上皇帝命冊立 嫡妃喜塔臘氏爲 皇后冊封側妃鈕祜祿氏爲 貴妃劉佳氏爲 誠妃侯佳氏爲 瑩嬪○ 上侍 太上皇帝御甯壽宮皇極殿舉行千叟宴賜親王大臣官員蒙古貝勒貝子公額駙台吉年七十以上者三千人及回部朝鮮安南暹羅廓爾喀貢使等宴其一品大臣及年屆九十以上者 太上皇帝召至御座前親賜卮酒其未入座五十人各賞詩章如意壽杖文綺銀牌等物有差○侍 太上皇帝御重華宮茶宴羣臣及內廷翰林每歲皆如之○鑄嘉慶錢○壬子 上侍 太上皇帝御紫光閣賜蒙古王貝勒哈密郡王等及土爾扈特杜爾伯特朝鮮安南暹羅廓爾喀使臣等宴並賞賚有差每歲皆如之○庚申奉 太上

皇帝命封 皇后兄盛住一等承恩侯○辛酉祈穀於 上帝
上以福酒躬晉 太上皇帝 太上皇帝卽以賜 上○侍 太
上皇帝御奉三無私殿賜 皇子親藩等宴○壬戌 上侍 太
上皇帝御正大光明殿賜朝正外藩等宴每歲皆如之○癸亥
上侍 太上皇帝御正大光明殿賜大學士尙書等宴每歲皆如
之○壬申湖北枝江宜都二縣白蓮教匪聶傑人劉盛鳴等糾眾
滋事命惠齡剿之

二月丁丑朔釋奠 先師孔子○庚辰以初舉經筵 止詣傳心
殿行禮 御文華殿經筵幸文淵閣賜講官及聽講諸臣茶復賜
宴於本仁殿自是以爲常○辛巳諭軍機大臣等福康安和琳奏
官兵攻克連雲山巖硎寨等處大兵深入重地前後防範尤宜嚴
密官兵分撥調遣尙覺未能足用等語見在功屆垂成自不便稍

涉冒昧福康安等奏步步安營所見甚是如接到此旨賊首石三保石柳鄧等業經全數就獲不須再添兵丁固屬甚善備賊首雖已就獲餘黨尙須分投搜捕卽於就近添調兵丁萬餘四路搜擒肅事自更迅速○建甘肅貴德廳 文廟○己丑 上御乾清門

聽政自是以爲常在圓明園則御勤政殿○庚寅命宥明亮舒亮安慶罪效力湖南軍營○調四川雲南廣西兵一萬名廣東陸路兵一萬名赴湖南軍營○乙未諭刑部衙門因司員等懇請貤封具奏但所請貤封之人如係伯叔兄長外祖等尊屬身受撫育恩慈例得推恩者自應准給封典若係遠屬姻親亦展轉懇請貤封與例不合者豈可漫無限制其應准應駁部中自可循照定例分別覈辦又何必由各衙門紛紛擅奏耶嗣後內外大小官員懇請貤封者俱著彙報吏部覈所奏情節分別准駁彙題以省繁瀆而

昭限制其有情節委曲不同者該部聲明另奏若有私弊許科道封奏所有本日刑部衙門奏請馳封一摺卽照此辦理○丁酉軍機大臣兵部議覆署閩浙總督魁倫等奏玉環同知所屬石塘石板廠等山畧原隸太平縣雍正五年設立環同知以石塘等山劃歸管轄洋面仍隸太平察看該山距太平縣僅六十里距玉環二百餘里耳目難周請仍歸太平縣轄從之○己亥湖北當陽縣教匪聚眾戕官命西安將軍恆瑞率滿洲兵二千往剿之○授熱河總管鄂輝三等侍衛往湖北軍營協剿○壬寅改陝西鹽法道爲鳳翔道移駐鳳翔○甲辰追封 皇后父原任副都統和爾經額三等承恩公母王佳氏爲公妻一品夫人○丙午諭軍機大臣等惠齡生擒首逆聶傑人並連奪賊卡所辦俱好但見據聶傑人供尙有傳習白蓮邪教之張正謨係此案爲首之犯未經就獲而餘

黨亦未接查淨盡未便遽行降旨議敘將此諭令知之

三月丁未朔諭軍機大臣等湖南剿辦苗匪自用兵以來經福康安和琳等臨陣殲擒及各後路接拏正法者已不下數千名其爲首及有名賊目謀逆之犯均須逐一查辦固不可稍有疏漏致日後遺孽復萌但苗匪滋擾延及川黔湖南三省其中被賊脅誘者亦復不少若槩予誅夷人數過多朕心實有所不忍著傳諭福康安和琳於石三保石柳鄧吳廷禮等擒獲後除各路爲首賊目及實係黨惡者均須悉數嚴辦此外脅從附和之苗眾尙可從寬者應免其一死分發伊犁回疆黑龍江等處爲奴此朕仰體

上天

好生之德法外施仁福康安和琳均當留心妥辦以副委任○己

酉命烏魯木齊都統永保往湖北鄖陽會剿教匪○庚戌停四川

續徵廓爾喀軍需津貼銀其已徵者悉還之○辛亥 上親耕藉

田三推畢加一推自是以爲常○壬子 上侍 太上皇帝啓鑾

謁 東陵 西陵○免經過地方額賦十分之三○乙卯 上侍

太上皇帝謁 昭西陵 孝陵 孝東陵 景陵 上恭謁

孝賢皇后 孝儀皇后陵詣 端慧皇太子園寢奠酒○丁巳免

湖北教匪滋擾之枝江等二十州縣四川逆苗滋擾之西陽州額

賦○戊午 上侍 太上皇帝幸南苑 上行園○甲子 上侍

太上皇帝謁 泰陵 泰東陵回鑾○丁卯 上侍 太上皇

帝還京師○壬申留保住以疾免以烏爾圖納遜爲理藩院尙書

由板達城將軍還○癸酉諭刑部具題河南省鄭路妮語言調戲馮喜成

之妻彭氏致彭氏羞忿投井身死一案因犯事在恩赦以前照例

聲請援免向來各省遇有調戲致本婦自盡案件皆隨案嚴其情

節如係手足勾引情近用强者皆於秋錄時卽行予勾其僅止語

言調戲者槩免勾決所以示區別而昭矜恤但調戲之案與鬪毆不同犯鬪毆者因事忿爭彼此扭結互相毆擊或因傷重致斃其逞兇之犯亦必受傷是死者由於互毆而起釁尙屬有因至調戲之案則本婦本係安居家內忽來穢褻之言致令羞忿難堪輕生自盡情節實爲可憫其調姦之犯雖無強橫情狀而因一時邪念之萌遽陷婦女於死此而免其擬抵已屬從寬若因事在赦前僅按例追繳埋葬銀兩卽予援免俾得置身事外且追埋之銀或得或不得均不可知何足以懲兇淫著刑部卽將本年題過此等案件及此後辦理各案如有似此語言調戲致本婦自盡者俱於本內聲明不准援免仍入於緩決牢固監禁屆期與賊等人犯一律辦理不得遽行釋免以慰貞魂而申明罰○恒瑞奏收復湖北竹山縣得旨嘉獎下部議敘

夏四月丙子朔諭軍機大臣等恒瑞雖已將竹山賊匪剿散尙有
前往房縣保康剿賊事宜鄖西俱在漢江以北勢難回顧宜綿駐
紮商州距彼不遠所有鄖縣鄖西一帶賊匪著責成宜縣督飭百
祥等實力剿辦其自竹谿以至保康一帶賊匪卽責成永保恒瑞
剿辦當陽遠安東湖一帶賊匪責成畢沅成德阿克東阿舒亮剿
辦枝江宜都一帶賊匪責成惠齡富志那剿辦襄陽穀城均州光
化賊匪卽交鄂輝同彭之年等辦理來鳳興四川接壤該處一帶
賊匪卽責成孫士毅督辦總之賊匪蟻聚蜂屯官兵分投掩捕辦
一處必須肅清一處不得因賊匪逃散潛匿卽爲完事以致兵過
之後遺孽復萌又復潛出滋擾也將此各傳諭知之○丁丑 皇
后行躬桑禮○辛巳命直隸提督慶成率兵二千名往河南南陽
堵剿湖北竄匪○以剿來鳳縣小塲賊匪功晉孫士毅爵三等男

○丁亥以寶源爲左副都御史

山通政使遷

○己丑布顏以疾免以李

廷敬爲江蘇按察使

田松太道遷

○辛卯諭據伍爾烏遜奏塔爾巴哈

台每年所進馬匹由內地行走關外沙漠遠天氣炎熱嗣後請

照烏里雅蘇台科布多例由阿爾台一路行走庶免煩擾內地驛

站等語所辦甚當著照所請行但伊犁喀什噶爾葉爾羌每年皆

有應進馬匹喀什噶爾葉爾羌俱係南路回疆若亦由此路行走

其間隔有博爾多山又繞路較遠如仍由內地行走徒擾驛站且

回疆馬匹俱屬平常嗣後喀什噶爾葉爾羌等處回疆所進馬匹

竟行停止其伊犁所進馬匹亦著照伍爾烏遜所奏由阿爾台一

路護送如此辦理既於馬匹有益而內地驛站亦可永免煩擾矣

○壬辰惠齡奏攻奪灌灣陂內坡等九處賊卡得旨獎賚○癸巳

頭等侍衛鄂輝奏剿殺襄樊賊匪得旨嘉獎賞副都統銜○乙未

撥內庫銀二百萬兩備河南軍需○戊戌諭軍機大臣等恆瑞永保奏三里坪一帶賊匪俱係文圖勦淨而永保恆瑞僅將白雲寺山賊匪追至黑龍溝地方並未能速行掃蕩所辦何事著傳旨申飭仍著速將該處賊匪勦淨卽馳赴襄陽會勦餘賊匪負隅固守亦當酌一人速赴襄陽斷不可二人株守一處也○宜縣奏與柯藩明亮攻克孤山大寨擒獲賊首王全禮等得旨嘉獎下部議敘賞明亮頭等侍衛作爲領隊○己亥福康安等奏攻克結石岡山梁石城殲賊毀寨得旨嘉獎下部議敘又奏苗匪吳龍登投誠得旨欣慰覽之○庚子賜趙文楷等一百一人進士及第出身有差○辛丑畢沅奏攻圍當陽誘賊出城設伏痛勦並截殺援賊多名良民縋城投出者絡繹不絕命妥爲安撫

五月丙午諭軍機大臣等永保等所奏不必以先到之兵零星輕

試一俟兵力齊集商同並進所見甚是邪教匪徒藉端煽惑四路
迫脅蟻聚日多若零星打仗設官兵稍有損挫不免氣餒賊勢轉
張今永保明亮已抵襄陽並知會恆瑞卽帶所有之兵前赴襄陽
而慶成富成德齡等帶領直隸山東山西兵亦由豫境前進至文
圖昨令前赴惠齡處協同剿賊今仍著恆瑞等酌量情形如惠齡
處可無須文圖急於前往卽令該署鎮帶兵先赴襄陽會合攻剿
恆瑞永保於官兵齊集後務須先將賊匪奔竄之路豫行堵截其
漢江沿岸一帶尤須嚴密防範將船隻先行提集不使賊匪得以
偷渡南竄景安在豫境更當實力堵剿俾其無路可逃再行約期
並進四面兜擒不可專攻一處致賊乘閒奔竄總之襄陽迤北一
帶賊匪踴淨則聲勢聯絡自北而南當陽宜都一帶自必勢如破
竹又聞賊匪狡獪往往將被擄脅從之人迫令在前擡鋒此等愚

民被賊擄掠既爲之驅使服役妻女並被姦淫及至抗拒官兵又復爲之衝鋒就死實屬可憫恆瑞等可先爲曉諭以爾等本係良民與其爲賊虐使又復驅令當先致被官兵殲戮曷若幫助官兵反戈相向攻殺賊匪不但免罪且可邀功報仇如此明白宣諭卽不能盡行聽從亦可解散賊黨於剿捕機宜較爲事半功倍○庚戌諭軍機大臣等福康安和琳攻克火藤營一帶險要山梁距平隴更近此時賊匪緊要屏障俱經官兵乘勝占奪而石三保石柳鄧吳廷禮等首惡俱聚集平隴正可悉數生擒一舉厥功事機順利佇待捷音速至吳隴登投出時已有旨令福康安等酌賞翎頂今吳隴登又往約鴨保寨苗畝三百餘人幫同官兵打仗出力尙屬實心效順福康安和琳如接奉前旨已賞給六品頂帶藍翎此次再加賞五品頂帶花翎並發去大小荷包傳旨賞給伊自加倍

感激而其餘各苗匪見吳隴登投出之後如此榮耀必更有臨陣紛紛乞降者於勦捕尤爲有益至摺內所稱首逆等聚集平隴如巢穴一破必向乾州竄匿見由平隴後山併力攻圍另出奇兵直趨乾州爲一鼓掃蕩之計甚合機宜若前次進剿時早計及此蕞事豈不更爲迅速耶○緩徵河南承辦兵差之唐縣等二十六州縣新舊額賦○甲寅諭宜縣查明逆首王全禮徐良等滋事緣由實力按捕全行授首復派委員弁於二縣一帶按剿擒殺漢江以北悉就肅清並將善後事宜詳悉籌辦實屬可嘉宜縣著賞戴雙眼花翎並加太子太保銜以示優獎在事出力文武員弁查明咨部議敘其條列各事宜該部詳議具奏○改卹陽府通判爲撫民通判移駐鄖西縣屬上津堡並建鄖西城垣○乙卯緩徵湖北附近災區晝夜禦賊之宣恩等五縣新舊額賦○辛酉免湖南苗匪

滋擾之乾州等四廳縣苗糧十分之二○壬戌 上侍 太上皇

帝啓鑾秋獮木蘭○免經過地方額賦十分之三○癸亥賞沿途

接餉之兵丁及看守山莊弁兵一月錢糧看守口內口外行宮弁

兵半月錢糧自是以爲常○甲子以勦湖南廖家冲苗匪功追贈

福康安父傳恆貝子○再免蹕路經過缺雨之懷柔等二縣額賦

十分之五○乙丑諭據彭之年文圖奏勦滅白雲寺黑龍溝之賊

追至喇叭洞山全行勦除一摺所辦好文圖自到鄭陽以來屢次

勦賊得勝茲復將喇叭洞賊匪勦除淨盡前已有旨遇有總兵缺

出卽予升用今思該副將帶領興漢鎮兵日久與兵弁相習調遣

更爲得力文圖卽著補授興漢鎮總兵其見任總兵德光俟有他

員缺另行補用○先是戶部議覆倉場侍郎宜興奏江浙白糧

改運京倉據浙江糧道詳稱旗丁情願貼給餘米三升六合交經

紀起運並蘇常二幫一體辦理嗣情運總督覆稱恐旗丁等藉口虧入倉正耗或借動回空食米難以照行經戶部行知以總清既不願交耗米經紀難爲交納嗣後卽令旗丁自行交倉伏思旗丁自行交倉盤撥五開復須水運展轉四五十里勢難照料更恐花戶等藉端需索且致遲誤歸次仍當責令經紀等轉運事屬兩便向來旗丁於交倉正耗外多備餘米三升八合前所稱貼給餘米卽在此數之內並非額外加增應仍准其交給經紀代爲轉運等因查白糧運京已屆二年均係如此辦理旗丁等相安無事應如所請得旨此事辦理已經兩年均稱便易乃管幹員率稱白糧各幫耗米不便貼交經紀復行咨改轉使旗丁等守候需時幾致誤運殊屬有意沽名管幹員著交部嚴加議處至是議上管幹員應降二級調用從之○丙寅以富綱爲漕運總督調王保爲吏部右

侍郎以特成額爲兵部侍郎

由鎮白旗護軍統領

○戊辰

上侍

太上

皇帝駐蹕避暑山莊

○壬申大學士閩浙總督貝子福康安卒於

軍遺疏聞諭大學士貝子福康安秉性公忠才猷敏練敷歷中外
懋著殊勳年力富強正資倚毗乃當大功垂成之際積勞成疾遽
爾溘逝實深震悼且當患病之時猶復力疾督師親臨前敵實爲
宣勞超眾體國忘身尤宜渥沛殊恩用昭飾終令典著晉贈郡王
爵銜賞內帑銀一萬兩經理喪事並賞給陀羅經被仍著於伊家
宗祠之旁建蓋專祠以時致祭並推恩伊父傳恆亦追贈郡王爵
銜其子德麟著加恩晉爵貝勒派固倫額駙豐紳殷德迎往奠醊
帶同伊子德麟馳赴前途妥爲照料俟入城治喪時朕必親往賜
奠所有任內降革罰俸處分俱著開復應得卹典並著該衙門察
例具奏以示軫惜勲勞有加無已至意仍賜祠額曰獎忠予祭葬

謚文襄○癸酉諭軍機大臣等和琳奏福康安積勞逝世見在嚴飭帶兵提鎮及巴圖魯侍衛將領等均各認真防守照常鎮靜不至稍涉驚惶所辦均極周妥此時亦不復另派大臣前往卽專交和琳一手督辦和琳惟當益加奮勉迅速厥功以副委任其軍營後路及應需糧餉軍火等事著交勒保總辦該督尤當實心經理無誤軍需再見據和琳奏近因霧雨連綿將弁兵丁染患瘧疫者甚多和琳擒獲首惡收復乾州後不妨酌派將弁就近駐守和琳卽在辰谿辰州一帶擇留湖南本處之兵駐紮就近調度不但和琳及帶兵將領等調攝較易卽弁兵等亦免染患疾疫至石三保見已擒獲官兵一抵乾州所餘不過搜捕以及善後事宜無須多兵此內所謂湖北兵丁見聞本省有賊匪滋擾未免繫念室家自應先行撤回並諭知該兵丁等令其早歸本籍得以捍衛鄉廬此

外再將所調省分較遠兵丁酌量以次遞撤擇其能耐水土者藉資調撥而壯聲威並著一體酌量妥協辦理○諭魁倫奏海洋盜首獺窟舵卽張表帶領首夥各犯四百七十三名自行投首並呈繳船隻破械等物一摺海洋盜匪王流蓋獺窟舵林發枝等屢在洋面肆劫今王流蓋業經被破擊斃獺窟舵帶領夥盜全行投出其未獲者僅止林發枝一犯魁倫所辦尙屬可嘉從前盜匪莊麟投出時曾拔用千總並賞大段一匹今獺窟舵著賞給守備職銜並賞戴藍翎仍賞大段二匹用示獎勵至摺內所稱該匪等請出洋緝捕見在擇其強壯勇往者令跟隨官兵緝捕此或一法但宜倍加慎重不可稍有大意見在逾格施恩獺窟舵尤必感激奮勉亟圖報效著傳諭魁倫等面向獺窟舵宣示恩諭責以捕盜之事如能將林發枝擒獲獻功固當格外優賞否則或林發枝聽聞此

信亦思投首免罪其餘夥盜自皆聞風解散庶可永久綏靖海疆
再獺窟既經投出其船內存貯米糧應儘數先給伊等食用俟
此項米石食竣卽照兵丁之例一體賞給鹽菜口糧獺窟既令
其出洋捕盜卽照守備分例賞給將來捕盜事竣此等投出之人
豈能日久官爲廩給或令其散歸本籍各謀生業或令其當兵以
免伊等乏食又致故智復萌總之宜散不宜聚方爲妥善至所呈
繳船隻自必輕便堅固卽可作爲捕盜之用魁倫見在辦理此事
特爲詳晰指示以便遵照妥辦俟續有投出者俱當照此一律辦
理○甲戌諭凡兇殺二命者遇停卹之年仍立決

六月乙亥朔日有食之○以魁倫爲閩浙總督姚燾護理福建巡
撫朱珪爲兩廣總督譚英善爲廣東巡撫汪新爲湖北巡撫以張
誠基爲安徽巡撫○調紀昀爲兵部尙書金士松爲禮部尙書以

沈初爲左都御史譚尙忠爲吏部侍郎陸有仁爲刑部侍郎張朝
稽署甘肅布政使俟服滿實授○丙子諭江蘇布政使員缺著西
成調補西成見在軍營其江蘇布政使印務仍著熊枚署理俟西
成到任後熊枚再赴雲南本任所有陝西布政使員缺著倭什布
署理俟服闋後再行實授○戊寅四川總督伯和琳奏生擒首逆
石三保並訊稱吳八月之子吳廷禮業經病斃得旨獎賚○轉任
彌烏遜爲兵部左侍郎以特成額爲兵部右侍郎○癸未諭軍機
大臣等當陽賊匪圍困日久勢窮力蹙今因糧盡逃出正應乘機
截殺悉數殲擒乃畢沅等不但不能入城搜捕而於奔逃之賊仍
被竄回實屬無能著嚴行申飭且總兵楊秀所帶之兵本令赴榔
坪剿賊而畢沅復調往鍾祥見在宜縣派副將百祥帶兵由新山
一路赴歸州巴東若再紛紛檄調則鎮將無所適從於剿捕機宜

殊有關繫且兵力宜合不宜分惟當擇緊要處所併力肅清一處則聲威壯盛自可乘勝掃除今零星調撥疲於奔命似此漫無紀律何以集事必須有一人總統調度方可事權歸一永保曾經軍旅較爲厯練所有楚北軍務竟專交永保一人督率調度卽與署理督篆無異庶事有責成而鎮將等有所稟命於勦捕可期得力永保須悉心籌辦以副委任儻經理稍有未妥惟永保是問此次殺賊受傷之參將花連布著賞戴花翎○甲申諭向來刑部定擬大逆緣坐等犯請旨斬決者皆改爲監候秋審時率免其子句原以案犯如編造逆詞等事其父兄子弟情尙可原是以寬其一綫至如見在湖北邪教乃公然造反重案該匪等糾集多人肆行劫掠甚至戕官攻城與官兵公然抗拒實爲大逆不法已極無論其父兄子弟皆當槩予誅誅方足以彰國憲但因其子不法而遽置

其父於重辟朕心究有所不忍有違以孝治天下之意所有此案
向文魁張成勳張成榮張成瑤真大貴皆係逆犯弟兄著卽處斬
其逆犯之父向朝德張文學真典章俱從寬改爲應斬監候永遠
牢固監禁遇赦不赦嗣後湖北逆匪案內例應緣坐人犯俱照此
辦理以示朕法外施仁明刑敦孝至意○丁亥命查禁新疆產金
之地毋令聚眾生事其貧民竊乞者寬之○戊子和琳奏報攻克
得鋒山全壁嶺等處得旨獎賚○己丑裁山西平定州屬樂平縣
併入平定州朔平府屬馬邑縣併入朔州移平定州州判駐樂平
增巡檢一駐馬邑○庚寅蠲免湖南湖北二省教匪滋擾各州縣
明年額賦○壬辰孫士毅奏攻克旗鼓寨賊營頭卡得旨獎賚○
癸巳江南豐汎六堡河溢○乙未蠲免湖南鄰近苗疆之永綏等
十一廳縣額賦○丙申惠齡等奏連克灌灣腦賊卡得旨嘉獎○

丁酉和琳奏連克廖貢坡馬鞍山苗寨得旨嘉獎○己亥調台布爲戶部右侍郎成德爲工部左侍郎○癸卯署湖廣總督福甯奏孫士毅病勢日重見令將弁送至平塊以冀痊愈臣卽在紅巖堡軍營彈壓諭軍機大臣等孫士毅歷任封疆屢著勞績此次因湖北教匪滋擾來鳳卽帶兵督剿連得勝仗朕原欲俟大功告竣加封公爵乃因勞成疾難以就痊如竟因病身故卽加公爵並賞銀五千兩交藩司林儒料理身後之事俱照公爵辦理並委員護送靈柩回至原籍屆期再降諭旨令伊長孫承襲伯爵見在旗鼓寨剿捕賊匪正在緊要急須大員督率所有四川總督印務及該處剿捕事宜均著福甯接辦至永保在張家塢一帶痛剿賊匪乘勝進擊湖北軍務見交伊督率調度所有湖廣總督印務卽著福甯派員送交永保署理○召朱珪來京以吉慶爲兩廣總督兼署廣

東巡撫事調玉德爲浙江巡撫以伊江阿爲山東巡撫

由刑部右侍郎遷

東華續錄

嘉慶二

臣王先謙敬編

臣周嗣蕃恭校

秋七月甲辰朔和琳奏督率額勒登保等連克黃蓮坡曬各坡等處收復乾州得旨嘉獎賞和琳三眼花翎額勒登保雙眼花翎○戊申調陳奉茲爲安徽布政使孫曰秉爲江甯布政使以康基田爲山東布政使調張長庚爲山東按察使以高杞爲湖北按察使出剿宜施道遷○己酉以軍興緩徵湖北湖南全省額賦○辛亥副都統銜署廣州將軍明亮奏勦平孝威胡家寨賊匪得旨嘉獎賞輕車都尉世職○大學士署四川總督三等男孫士毅卒賜祭葬贈公爵賞治喪銀五千兩諡文靖以其孫均襲伯爵○壬子命朱珪仍署兩廣總督○戊午諭軍機大臣等永保等於勦殺梓山賊匪後

自應乘勝擒拏賊首乃止將迤南霄潭屯聚之賊分路攻擊賊匪
仍復竄往隨州鍾祥交界處所殊不滿意湖北勦撫事已專交永
保調度今所辦仍未得有把握見在姚之富屯聚鍾祥南泉坂地
方欲圖南竄而楊秀在彼兵力較單永保等務將該處賊匪殲除
卽赴鍾祥併力接擒姚之富等勿再遲緩又據奏請於湖南撥兵
二三千分赴湖北永保兵力不爲不多今賊匪各處竄聚不能四
面兜擒著和琳卽於湖南苗疆各卡隘及後路防守兵內酌撤二
三千派委鎮將帶領由水路順抵荊州交永保調度其糧運軍火
等項著汪新豫爲備辦○庚申調尼堪巴圖魯爲貴州按察使以
清安泰爲湖南按察使由甯永構桂道遷○辛酉逆首石三保解京伏法
○壬戌諭軍機大臣等當陽賊匪前經攻破東門後尙敢憑依龍
背山抵死抗拒今畢沅等督率將弁奮力進剿肅清縣治深爲可

嘉至明亮此時究抵何處未據奏報如已赴惠齡一路卽不必於途次轉回鍾祥若已赴鍾祥卽會同楊秀勦賊至湖廣督篆前令永保暫署永保見帶兵勦捕地方事務未能兼顧著仍交畢沅接管其湖北軍營調度事宜著永保統率辦理以專責成○癸亥諭軍機大臣等旗鼓寨賊匪經福甯等分帶兵勇殲斃無遺賊巢全行燒毀所存止有新築小木城一座勢已窮蹙福甯等略休兵力乘勝進勦無難一鼓撲滅卽當移兵榔坪擒拏賊首林之華奮勉立功至永保等一路兵多將廣龍門山一帶不過奔逃潰竄之賊有何難辦乃迄今尙在帶兵進勦且賊匪於初五日由龍門山逃往紅土山而永保此次奏摺係十一日拜發尙未直趨紅土山進勦何以如此遲緩且紅土山係在何處永保等見由何路進攻並未聲敘明白永保恆瑞慶成俱著傳旨嚴行申飭○戊辰以勦平

紅土山賊匪功加永保太子太保慶成太子少保○己巳和琳奏鴉溪大坡壟等處苗村苗寨逐加技捕所有歸降之苗及乾州民逃避河溪者妥爲經理見擬解散餘匪密籌撤兵並設法進取平隴

八月甲戌諭軍機大臣等永保奏分路堵剿鍾祥賊匪所辦皆合機宜賊首姚之富等見在鍾祥務須會合兜擒按名拏獲並查明劉之協實在下落嚴拏務獲以淨根株今恆瑞等帶兵前抵鍾祥訂期夾擊而明亮接永保知會已與德光由荊州前赴鍾祥官兵四面圍剿賊匪自無從逃竄永保等於殲淨該處賊匪後卽速赴榔坪一帶合兵會擊肅清地方○以勦平旗鼓奏賊匪功加福甯觀成太子少保○丙子以雨詔倖秋獮○丁丑諭軍機大臣等前因朱珪在廣東巡撫任內地方事務尙爲熟習是以擢授兩廣總

督嗣孫士毅大學士缺出因朱珪係讀書人品行端方且資格較深欲加恩將伊補授乃近日粵洋艇匪充斥且駛入閩洋肆劫皆由朱珪不能始終奮勉實力查拏殊負委任俟吉慶到粵朱珪卽行來京候旨○諭滇省威遠廳所屬猓黑糾搶拒捕該鎮道等辦理不善著勒保卽速同珠隆阿馳回滇省相機妥辦並將湖南軍營前調滇兵酌量撤帶二三千名以資彈壓○和琳奏三岔坪爲平隴門戶該處苗眾懇請投誠臣諭令前驅殺賊適平隴苗匪糾眾前來欲燒三岔坪苗寨降苗奮力殺賊官兵乘勢迎擊生擒吳八月之姪吳老二斃賊無算得旨嘉獎賞賚降苗吳廷試等有差○乙未諭軍機大臣等和琳奏攻克竹山坡都魯溪後乘勝將強虎哨山梁搶據距平隴賊巢更近有勞神寨苗目吳老嚴等詣營投降願縛獻石柳鄧等贖罪諒石柳鄧等此時自易擒獲但思湖

南自勦辦苗匪以來降苗不下二十餘萬頭目亦不下百餘人其
居心究難深信著和琳於勦捕事竣後悉心籌畫或將此項緊要
頭目酌給頂帶攜往他處或設法移置俾離巢穴不可仍留該處
致滋萌孽○戊戌和琳奏連克後坡麻里灣等苗寨擒賊目石代
噶得旨嘉獎○福甯等奏攻勦湖北來鳳縣指甲坡山梁擒賊首
楊子敖等得旨嘉獎○己亥 上侍 太上皇帝自避暑山莊回
鑾○惠齡奏勦平灌灣腦賊匪生擒首逆張正謨劉洪鐸等得旨
嘉獎加太子少保子輕車都尉世職○以勦除當陽賊匪功賞畢
沅輕車都尉世職○辛丑命僧保住以副都統留哈密辦事以英
善爲刑部右侍郎調張誠基爲廣東巡撫以朱珪爲安徽巡撫○
壬寅四川總督一等伯和琳卒於軍贈一等宜勇公子豐紳宜麟
襲入祀昭忠賢良祠仍建專祠於其家

九月乙巳 上侍 太上皇帝還京師○丁未永保等奏勦平鍾
祥縣賊匪得旨嘉獎晉提督慶成太子太保加副都統鄂輝太子
少保並都統銜總兵官阿克東阿太子少保賞兵丁一月錢糧○
己酉 上奉 太上皇帝命御出入賢良門率 皇子諸王等習
射○癸丑命明亮鄂輝總統湖南軍務○加湖南巡撫姜晟總督
銜○甲寅貴州巡撫馮光熊奏攻勦小竹山賊奪獲墮河坡要卡
得旨嘉獎賞兵丁一月錢糧○丙辰惠齡奏勦殺涼山賊匪奪獲
獅子山等五處要卡得旨獎賚賞兵丁一月錢糧○丁巳福甯等
奏勦平宣恩縣龍馬山賊匪得旨獎賚○己未停本年秋決情重
者仍正法○辛酉以河南巡撫景安堵勦教匪籌辦軍需無誤加
太子少保○壬戌大學士阿桂以耳聾辭兼管兵部允之○乙丑
荊州副都統成德等奏報奪獲蓼葉口長沖賊卡將弁等下部議

敘賞兵丁一月錢糧○戊辰予故貝勒縣惠祭葬○壬申諭軍機

大臣等永保等奏稱賊匪直奔倉臺卽派將弁繞赴漳河堵截舒亮烏什哈達等帶兵往湖陽截勦永保等自西分路迎擊等語漫無端緒賊向東逃豈有自西迎擊之理且賊匪既直奔倉臺沿途焚掠急須勦捕永保恆瑞等自當酌分一人親往督兵迎頭勦捕何以僅派將弁及舒亮等分路前往况永保等所帶官兵已在賊匪之後摺內何得稱設法兜截迎擊且賊匪在漳河鎮搶掠後是否卽將該鎮搶踞而倉臺地方先經景安帶兵堵截賊匪直奔倉臺後是否卽在倉臺附近地方屯聚抑又竄往何處舒亮等如何繞道堵截曾否追及賊匪痛加勦殺永保等見在帶兵前往何處追殺一切實在情形前後顛倒並未詳悉奏及又據奏知府完顏岱稟稱鄧州義勇請隨同官兵殺賊永保等卽令帶往協勦完顏

岱係屬文職自應酌派奮勇鎮將幫同勦辦乃永保等亦未計及此卽實因兵力疲乏不能分布圖勦必須俟京兵及山東直隸兵到彼方能進擊亦應據實奏明豈得僅以設法兜截虛詞敷衍塞責看來永保等竟因賊勢分竄一籌莫展實屬無能永保恆瑞景安慶成俱著嚴行申飭

冬十月甲戌以達慶爲左副都御史

由通政使遷

○丁丑福甯等奏勦

辦楚省巴東譚家村賊匪得旨嘉獎○己卯諭大學士缺出久逾而月見在各尙書內若以資格而論則劉墉紀昀彭元瑞三人俱較董誥爲深但劉墉向來不肯實心任事卽如本日召見新選知府戴世儀人甚庸劣斷難勝方面之任朕詢之劉墉對以尙可是劉墉平日於銓政用人諸事全未留心率以摸稜之詞塞責不勝綸扉卽此可見彭元瑞不自檢束屢次獲愆紀昀讀書多而不明

理不過尋常供職俱不勝大學士之任董誥在軍機處行走有年供職懋勤殿亦屬勤勉著加恩補授大學士至王杰因患骸疾久未入直見在軍機處漢大臣止有董誥一人著左都御史沈初在軍機處學習行走朕於用人行政悉秉大公考績程材無不權衡至當劉墉紀昀彭元瑞皆當捫心內省益加愧勵○大學士王杰以足疾辭南書房軍機處及禮部事務允之命大學士董誥兼管禮部事務○庚辰以范宜恆爲戶部尚書工部右侍郎○辛巳贈征苗陣亡貴州提督花連布太子少保予世職○癸未諭軍機大臣等額勒登保等率將弁分路進攻連奪嚴人坡大壩角等處卡寨所辦尙好至所奏吳廷義情願縛獻石柳鄧暫行允准予以生路俾首逆不至遠颺一節亦止可如此辦理但吳廷義旣願將石柳鄧縛獻何以苗卡前後賊匪仍復屯聚可見賊情狡獪究屬難信

或藉以爲緩兵之計亦未可定此時惟有整頓兵力直前進剿掃穴擒渠是爲正辦不可墮賊奸計又據奏永綏一路拏獲賊目石老必焚燒賊寨二十餘處聞有苗匪攻撲營盤俱經該提鎮隨時擊退該處未降苗寨本多俟攻克平隴再爲分路搜捕等語所想亦是總之石柳鄧一經就獲其餘想亦易辦額勒登保等與明亮鄂輝當熟商妥辦不可存將就完事之見遽行撤兵○甲申諭軍機大臣等宜縣此時已由西甯回省見在川省達州有教匪滋事秦承恩業經馳赴漢中防堵宜縣當探聽信息如川陝毗連地方有應須添兵防堵之處卽酌量情形或派撥將弁帶兵前往協助或親赴邊界督率彈壓自更得力如秦承恩在彼足資防範甘肅地方亦屬緊要宜縣自當在省靜鎮彈壓不必遠赴邊界將此傳諭知之○乙酉諭軍機大臣等勒保奏途次面詢威遠辦事道府

稱牛肩山獍匪因前此兵練進攻未及圍因兜捕復竄往西大黑山該處山深箐密人迹罕到並恐竄入緬甯景東邊界及南縣猛迺等處糾煽生事更難著手惟有趕蒞威遠設法籌辦等語所奏未免隱躍其詞殊屬非是此等獍黑俱屬徼外野夷散居各處並無頭目非如湖南之苗也不過因一時乏食搶掠近邊夷民村莊原不值大辦勒保到彼後止須曉諭各夷莊互相保守如獍黑復敢潛來搶掠即可幫同剿殺設各村人數較少卽於山外要隘地方酌派官兵防守則獍匪等見有防備自不敢復行出山滋事並將土司土兵酌加獎賞令其回巢仍探聽湖南剿捕苗匪及貴州青溪教匪情形如尙需伊前往會辦卽順道先赴貴州上緊趕辦以除餘孽而靖地方再赴湖南未遲如青溪教匪業經馮光熊珠隆阿剿淨而石柳鄧已經就獲勒保於布置防範獍黑後卽可回

省辦理地方事務不必再駐威遠致猥黑疑畏別生事端方爲妥善○丙戌調紀昀爲左都御史沈初爲兵部尙書○雲南巡撫江蘭奏剿降猥黑得旨嘉獎下部議敘○己丑撥部庫銀二百萬兩備湖北軍需○壬辰以趙佑爲工部右侍郎由左副都御史遷○賜黃仁勇等三十五人武進士及第出身有差○己亥以孫玉庭爲廣西按察使由鹽運使○惠齡奏攻克馬王廟賊卡得旨嘉獎下部議敘○辛丑諭軍機大臣等成德旣派有兵勇沿河設卡巡查自應偵探賊情隨時防堵且伊紮營處所距張家口沿河相近乃竟毫無覺察以致賊匪復逃至黃柏山潛匿殊出情理之外文圖與成德同在關口黃連坪駐紮而賊匪於初六七日搭造浮橋至十三日接到補授雲南提督諭旨竟於十九日起身赴滇置逃竄黃柏山之賊於不顧尤爲畏葸可惡成德文圖本應與黃瑞一體革職治罪

但見在該處帶兵乏人暫從寬宥所有成德文圖前賞花翎及巴圖魯名號俱著革去姑留將軍提督之任令其戴罪圖功以觀後效所有勦辦黃柏山一路軍務卽著福甯觀成總統辦理文圖見已回至軍營卽著成德文圖分往賊營之西南鶴峰州東南長樂縣界帶兵防堵儻成德文圖再不能堵截又任賊匪他逸則二罪並發必將伊等於軍前正法決不寬貸再因福甯等奏到滋邱賊匪渡河逃逸情形復檢閱二十五日成德文圖奏到之摺據稱成德於十四日接到福甯等札知訂期是夜五鼓進攻卽帶領兵勇連夜行走併力攻擊殺死賊匪多名將迎龍山奪占滋邱賊匪又經文圖黃瑞等督率兵勇殲斃無算等語可見成德等發摺時賊匪業已於十三日渡河竄逸乃成德等轉以勦殺賊匪情形鋪張其詞諱爲地步以掩飾其不能堵截之罪更爲欺詐著福甯等就

近傳詢成德文圖將因何前奏虛假之處令其據實登答迅速覆奏

十一月壬寅朔明亮等奏攻克平隴賊巢得旨獎資賞兵丁一月錢糧○丙午撥部庫銀四百萬兩分備湖北湖南軍需○命董誥爲東閣大學士管理戶部○予湖北協勦逆匪故總兵官阿克東阿卹廕○丁未諭軍機大臣等涼山賊匪經惠齡設計攻進將賊首覃士潮等生擒所辦實屬可嘉關騰帶兵由九鼎埡進攻亦屬可嘉著署理宜昌鎮總兵印務投出之張添富等五名爲官兵內應放火困賊不但可免其死罪並當酌賞金頂如五人內有爲首者著惠齡查明賞給六品頂帶俾知感激如此格外施恩使黃柏山賊眾見之心生豔羨必有紛紛投出者亦解散賊黨之一法於勦捕不無裨益○壬子諭刑部具題山西省已結未解軍流各犯

分別准免不准免一本已依議行矣惟閱單內所開各犯案內有忤逆伊祖及父母擬遣之語忤逆之子孫豈可留之於世此奏措詞殊未妥協雖舊例忤逆案內一經祖父母呈送者均覈其所犯情罪分別定擬但此等擬軍之犯不過因語言觸犯或違犯教令等條若果有實犯忤逆情節豈尙得稍從寬典僅予軍遣今摘敘案內槩以忤逆二字籠統聲敘轉似實犯忤逆重罪之條得邀稍從末減之例明刑所以弼教豈可漫無區別嗣後此等人犯止應摘敘違犯觸犯字樣不得仍前槩以忤逆二字開寫以示覈實定罪教孝明刑至意○癸丑降汪志伊爲江西按察使調謝啓昆爲浙江布政使以司馬駒爲山西布政使由按察使調○調陳奉茲爲江蘇布政使西成爲安徽布政使○丙辰豐汎漫工合龍○以陸有仁暫署陝甘總督由刑部侍郎署○戊午再緩徵河南防卡運餉出力之

鄧縣等三十六州縣新舊額賦○永保等奏連破賊屯十一處得旨獎資賞兵丁一月錢糧○庚申諭向來軍營脫逃兵丁有在軍務未竣以前投首者俱發烏魯木齊等處給種地兵丁爲奴固屬按例辦理但國家養兵衛民遇有調遣從征之事理宜先驅殺賊奮勇立功乃恒怯無能首先潰散又恃有軍務未竣發遣之例自必探聽軍功將次告成冀圖免死自行投首若皆似此效尤則兵不顧將臨陣紛逃將何以資攻勦此等潰兵情罪重大貸其一死已邀寬典若因自行投首僅予發遣爲奴轉得置身閒散不足以示儆且於用兵大有關繫嗣後軍營脫逃兵丁被獲及在軍務以後投首者仍照舊例辦理外其在軍務未竣以前投首者槩行定擬監候永遠牢固監禁俾知儆懼庶足以嚴紀律而肅戎行著爲令○姚學瑛緣事解任以倭什布兼署陝西按察使由布政使兼署○辛

西豐汛復決○壬戌諭軍機大臣等吉慶奏訪出洋匪聚集並藏
 匿船隻各處在安南境內且有該國隱匿賊匪情事此時若行文
 該國反致賊匪聞信潛逃所見尙是刻下暫且無庸行文曉示該
 國俟派往訪查官員呈報到日吉慶當不露聲色妥爲辦理卽將
 賊首擒獲以絕根株○乙丑通政使司參議初彭齡奏江西巡
 撫陳淮居官貪黷信任南昌縣知縣徐午串通舞弊各款命解淮
 任以署兩江總督蘇凌阿兼署江西巡撫偕戶部右侍郎台布往
 鞫嗣訊明徐午代淮墊發贏價修造廟宇勒派屬實革職逮問○
 命河京河道總督李奉翰赴豐汛堵築○丙寅改鳳凰永綏乾州
 三廳爲直隸同知○明亮等奏攻克茶沖土貢坡湖耳坳等處石
 卡得旨獎賚賞兵丁一月錢糧○戊辰宜縣等奏剿除興安賊匪
 得旨獎賚○己巳諭軍機大臣等永保等奏黃龍嘴賊匪復偷渡

滾河向西竄逸關內方向賊匪因呂堰驛等處有官兵截殺是以向西奔竄但賊匪已奔向牛首一帶而官兵僅在竹條鋪截剿並未繞過晉鼓廟許家集一帶迎頭截殺是官兵在賊匪之後尾追一任賊匪西去逾遠而光化縣城是否有兵防守若無所攔截任其沿途偏脅裹掠良民豈不使未經遭賊地方復受蹂躪著永保等明白覆奏至光化一帶與鄖西等處毗連相近陝西商州若不亟爲堵截設賊匪竄入鄖西一帶或與陝省教匪勾結更屬不成事體陝西紫陽平利等處之賊不過川省闖入餘匪易於撲滅見在既有此事宜縣秦承恩柯藩三人可以不必同赴川省著傳諭宜縣等將興安賊匪剿淨後卽著柯藩速赴紫陽一帶將闖入賊匪截殺淨盡肅清陝界再赴川省達州協勦興漢地方亦關緊要秦承恩仍在該處彈壓宜縣迅赴商州鄖西堵剿勿使黃龍壩

逸匪闌入句結至景安見在魏家集駐紮賊匪或因西路堵截嚴密復向北竄則鄧州新野地方平行又無要隘可扼設被賊匪四散搶掠更難接捕著傳諭景安設法籌辦或多雇鄉勇或抽撥附近兵丁總期防範嚴密不使逸匪竄入豫境方爲妥善○以故大學士公贈郡王銜傅恆協辦大學士尙書公兆惠大學士閩浙總督貝子贈郡王銜福康安四川總督伯贈公爵和琳配饗太廟○雲貴總督勒保等奏勦擒大鬼巫教匪首夥得旨嘉獎下部優敘賞兵丁一月錢糧○以賊匪偷渡滾河西竄革永保恆瑞慶成太子太保花翎舒亮巴圖魯名號花翎並革延綏鎮總兵官楊秀等職留軍前效力贖罪○撥湖南各州縣倉穀六十六萬三千石備軍糈○庚午諭軍機大臣等英善等奏達州東鄉屯聚餘匪竄入橫子山一帶太平縣屬之通天觀等處尙有賊匪竄聚見在兵

力無多亟須陝兵助勦著傳諭索費英阿速赴太平會勦無得遲
緩至巴克坦布阿爾薩朗訥音碩雲保俱係特派帶領京兵大員
到營後自應會籌妥辦乃永保等漫無調度將生力勁兵置之無
用之地止知在後尾追巴克坦布等何以率行聽從默無一語行
軍之道總應公同籌酌如調度合宜固不應稍存意見若布置失
當豈有旁觀坐視聽其指使之理姑念伊等甫抵該處是以從寬
暫免治罪著傳旨嚴行申飭○永保逮京治罪以惠齡代統軍務
○以故貝勒縣惠繼子奕綸襲封貝子○以常明署貴州按察使
十二月甲戌明亮等奏奪據馬頭山賊卡得旨獎資○以孟邵爲
左副都御史由宗人府
府丞遷○內閣學士扎郎阿以讀本錯誤降贊禮
郎○乙亥調富俊爲兵部侍郎仍兼理藩院侍郎○丙子青海郡
王納罕達爾濟等五旗被生番搶掠乞移回尙那克舊遊牧允之

○丁丑諭軍機大臣等英善等奏官兵攻克橫子山賊卡賊失巢穴障蔽分五路前來攻撲總兵袁國璜何元卿深入被害都司百壽等陣亡達州官兵未免氣餒而英善勒禮善從來未經軍旅必須另簡大員督辦宜縣昨有旨令赴商州今達州尤關緊要著傳諭宜縣迅速先赴達州備兵力未敷宜縣係陝甘總督二省官兵不妨就近調用再太平東鄉皆有賊匪恐一人未能兼顧勒保見往湖南著卽取道馳赴達州會剿○宜縣等奏勦滅將軍山賊匪得旨獎賚○己卯諭軍機大臣等景安在魏家集被圍永保相距不遠聞賊北竄卽當往援乃景安於初一日被圍恆瑞舒亮初一日始到而永保慶成尙未到設因眾寡不敵有意外之事成何體統且鄧州迤北地勢平行若任令北竄豈不更覺費手永保之罪百喙難辭恆瑞慶成舒亮何以隨同貽誤著惠齡會同景安密查

四人因循玩誤之處分別具奏○以景安魏家集被圍兵僅四百
堅守無失得旨獎賚出力員弁令查明奏報賞兵丁兩月錢糧○
福甯等奏奪占九州等處要卡得旨獎賚○免教匪滋擾之四川
達州等四州縣陝西西鄉等四州縣明年額賦○壬午宜縣等奏
勦克米溪等處賊巢得旨獎賚將弁下部議敘賞兵丁一月錢糧
○癸未雲南猓匪扎杜等糾眾滋事命江蘭等勦之○甲申 上
侍 太上皇帝幸 皇次子所○乙酉諭軍機大臣等觀成係成
都將軍本省滋擾星回勦辦惠齡往替永保總統軍務黃柏山之
賊接捕恐需時日調度止有福甯一人勒保著不必前往四川於
何處接旨即取道赴黃柏山酌帶貴州得勝之兵前往○丙戌明
亮等奏攻克貴魚坡水城石卡得旨獎賚將弁下部優敘賞兵丁
一月錢糧○賜高年頂帶六千七百七十人○丁亥以薩彬圖書

敬俱爲內閣學士

禮部由光祿寺少卿遷

○戊子諭明亮等奏官兵

連日奮勇殺賊斬梟首逆石柳鄧並生擒石柳鄧之子石老喬藏功獻敵情形一摺此次官兵由貴魚坡大頂坡等處分路進剿將賊苗各處木城石卡層層奪據官兵跟蹤剿殺四路接捕首逆石柳鄧頭著槍傷甚重當經梟取首級並生獲伊子石老喬並將前獲監禁之伊子石老觀一併解京治罪綏靖苗疆藏功完善覽奏深爲嘉悅湖南軍務當功屆垂成之時明亮鄂輝馳抵軍營後與額勒登保德楞泰遵照指示機宜督率有方所向克捷而額勒登保自用兵以來駐紮前敵節次首先帶兵殺賊此次賊匪從山溝衝突而出復經額勒登保痛加截殺殲戮無算尤爲奮勇可嘉德楞泰鄂輝分路領兵亦屬奮勉出力見在大功告竣苗境肅清允宜各加懋賞用示酬庸明亮著封爲襄勇伯額勒登保著封爲威

勇侯德楞泰著賞給子爵鄂輝著賞給男爵額勒登保並著加賞銀一萬兩德楞泰著賞銀五千兩卽交伊等家屬收領以示優獎勛勞至意所有此次打仗滿漢屯土官兵俱著加恩賞給兩月錢糧其在事出力大小員弁並著明亮等查明各部從優議敘用昭獎勵○諭苗疆善後事宜最關緊要此時大功告成著傳諭畢沅卽馳往湖南會同鄂輝姜晟悉心籌辦○申禁八旗官員軍民不得與王公大臣同名○辛卯諭軍機大臣等前魁倫拏獲盜犯內有安南總兵及該國兵丁該犯等旣在洋面行劫卽與內地盜犯無異是以按律正法此次吉慶拏獲盜船票照內有寶玉侯字據自係前在浙洋陳阿寶匪夥嗣後洋面盜匪無論內地外夷一經緝獲卽按律嚴辦○景安奏擊退魏家集賊匪賞佐領清書都司曹星花翎餘下部優敘○甲午緬甸入貢勒保檄止之上以本

年國慶勒保拘泥常貢之期阻其向化嚴飭之特資緬甸國王蟒
 錦四端○乙未英善等奏攻克馬鞍山賊卡得旨獎賚○丁酉明
 亮等奏生擒首逆吳廷義等苗疆悉平諭軍機大臣等明亮等奏
 生擒首逆吳廷義及石柳鄧之子石老二石老九並逆犯家屬全
 數就獲所辦可嘉之至除額勒登保前已賞雙眼花翎外明亮德
 楞泰俱著賞戴雙眼花翎官兵並賞一月錢糧至降苗吳廷梁自
 知悔罪將吳廷義及石柳鄧家屬縛獻不但免其治罪並著賞給
 五品頂帶花翎仍賞段二匹其首先詣營乞降隨同拏獲吳廷義
 之吳老季等俱各賞段一匹庶各苗寨知抗拒者法所必加而投
 順出力者皆蒙恩賚自必望風投款隆圍永綏一路未降苗寨更
 可不煩兵力戡功尤爲妥速吳廷義等犯均著解京○福甯奏攻
 克西流溪賊卡得旨獎賚賞兵丁一月錢糧○己亥諭軍機大臣

等惠齡奏接辦軍務情形未見振作此時賊匪仍聚黃龍塢一帶
惠齡務當扼要不可又事尾追任賊奔竄又閱永保等供單稱賊
匪初一日奔竄魏家集恆瑞舒亮等繼至賊匪退至泰山廟等語
前據景安奏賊匪於恆瑞等未到之先卽已向東南退去何得捏
飾枝梧耶永保業已解京俟解到詢問著惠齡先向恆瑞舒亮慶
成詰所供因何與景安前奏不符之處詳詢具奏惠齡甫到將弁
俱係永保之人卽向訪詢亦不肯和盤托出景安在彼見聞自確
此事竟交景安逐一查明覆奏○是歲朝鮮入貢○會計天下民
穀數除湖南湖北兩省及福建之福州等府未經查報外各省通
共大小男婦二萬七千五百六十六萬二千四十四名口各省通
共存倉米穀三千七百二十萬六千五百三十九石一升二合七
勺